

江西近现代地方文献资料汇

初编
第四册 下

江西省各界民众搞敌史料第一辑

江西省各界民衆抗敵史料第一輯

例言

一 本輯以表彰民衆抗敵事蹟爲主旨所採資料均屬平民性質若軍政機關服務人員以有官守其抗敵事蹟留待國史紀載均不採入惟地方民衆團體工作人員及鄉鎮長以下員丁不在此例

一 本輯資料係由本會登報並分函各界徵求所得

一 本輯體例略採類纂方式事蹟依性質區爲三類類分若干編

一 本輯各編事蹟之排列以時間爲先後其未詳者次諸編末

一 本輯事蹟紀載力求質實不事文飾贊揚以副史料之名

一 事蹟遲到不及編入者悉俟第二輯採錄

一 本輯因付梓匆促未及精校而同仁學識淺謬誤掛漏在所不免至望讀者予以指正幸

本國國計材料與別本八種對照同一事體而無異其相稱五而不失其真者

雖謂其時不又歸入否意為然之謂也

本國各縣之通式來而有不齊之處皆由以國史採之各

本國各縣之通式來而有不齊之處皆由以國史採之各

本國各縣之通式來而有不齊之處皆由以國史採之各

本國各縣之通式來而有不齊之處皆由以國史採之各

本國各縣之通式來而有不齊之處皆由以國史採之各

本國各縣之通式來而有不齊之處皆由以國史採之各

本國各縣之通式來而有不齊之處皆由以國史採之各

本國各縣之通式來而有不齊之處皆由以國史採之各

附言

江西省各界民衆抗敵史料第一輯

目錄

序

第一類 効忠

甲編 殉公

乙編 殉義

第二類 死節

甲編 守正

乙編 守貞

第三類 捐獻

甲編 獻身

乙編 獻力

丙編 獻財

江西省各界民衆抗敵史料第一輯序

國於天地必有與立自古興亡之朕靡不覩乎民氣之盛衰我中華立國歷史攸久文化燦然歷代聖哲賢人提倡禮教之治餘風所被莫不以砥礪氣節崇尚忠勇爲修身治國之本故浩然正氣常充溢於天地歷久不渝尤當國家危難之際類能敵愾同仇奮發爲雄以屹立於世界其視西方羅馬文化不爲不盛疆土不爲不廣一經蠻族之入侵帝國遂一蹶不可復振者豈非民氣盛衰之驗耶倭寇爲患久矣今歟遂其滅亡我民族獨霸東亞之迷夢甘冒不韙傾巢來犯經四年之搏鬥我則愈戰愈強敵則愈戰愈困近更不惜作孤注之一擲公然與世界爲敵而我則由民族自

衛戰進而分担維護世界和平之重責顧此光榮勝利之獲得實賴我領袖神明德威制勝與夫前方將士殺敵之英勇矢志之忠貞而我民衆之踴躍輸將捐軀爲國之精神亦至有不可泯沒者嘗憶先總理彌留時猶諄諄以喚起民衆爲囑蔣總裁於軍書旁午之際亦亟亟以民衆重於士兵相昭示誠以革命抗建大業必有賴於全民一致之奮鬥乃克有濟抗戰以還中央對於各地人民參與戰役之事績早有明令廣徵博訪以光潛德而勵來茲用意至爲深遠我贛夙稱文章節義之邦毀家抒難守正不阿足以光大前烈而矜式後人者正多又烏可以不紀哉省抗敵後援會有鑒於此爰有搜集民衆抗敵史料之議主席熊公嘉其事贊助甚力閱時數月承各方惠寄資料累牘漸多迺發凡起

例區爲三類一曰効忠凡殉公殉義者繫焉二曰死節凡守正守貞者繫焉三曰捐獻凡獻身獻力獻財者繫焉其有時地未詳者則附諸篇末以備考訂敘事紀言則力求翔實不加藻飾蓋所以存事蹟之眞備正史之採擇也惟搜求未周滄海遺珠在所難免增廣糾謬有待再編故標明第一輯以詮序次並識其端末如此尙冀 邦人大雅廣惠珍聞共襄斯舉俾本編續輯得以早觀厥成蔚爲巨帙是則不獨編輯同人之所企禱者也是爲序

中華民國三十一年元月 日

匡正字於泰和

第一類

自蘆溝啓釁我全國同胞鑒於民族阽危爭起抗拒各戰役死事之烈實爲史冊所罕見吾贛人士因受

蔣總裁精誠感召諄誨激勵慷慨赴死從容就義者用是特多本類所集事蹟凡二百零二起區爲甲乙二編其因公殞命者列爲殉公被俘死難者列爲殉義

甲編 殉公

中華民國二十七年

盧英

零都人江西省立鄉村師範甲類第一班畢業任南昌市立百花洲小學教師二月敵機來襲適

施課外活動聞警驅學生入地下室彈落氏未及避傷腰死時年二十有七

陳自樑

新建縣第四區南山鄉人業農秋南山水警隊分隊長楊建方赴省請領槍彈派氏與乃弟自杜押運船隻七月十三日駛至南昌附郭靈公廟適空襲彈中船身兄弟同以身殉時氏年三十六弟年三十四

桂由幹

德安人年四十曾充甲長八月十七日爲國軍五十九師作嚮導中彈死

劉來福

德安人年三十三農曾充保隊附八月十七日與桂由幹同充嚮導遇害

王志安

瑞昌人年二十六本縣戰地工作隊隊員冬湘鄂贛邊區第三挺進縱隊司令部發動民衆破壞瑞武公路氏奉令率領民伕四百餘會同十五支隊一中隊前往工作十月十六日有敵軍自大橋河

蓮花涵竄來氏率領民伋登覆盆山避之同工五十餘人未至獨回營救悉因出險惟氏中彈死

劉澤高

九江人年三十六業農十一月十八日運糧接濟廬山孤軍遇害于牯嶺

張清炎

九江人年二十七業農與劉氏澤高同時遇害

二十八年

陳瑞齋

南昌人年三十三服務新聞界有年去秋發動南昌新聞界慰勞贛北游擊部隊募捐遊藝大會成立籌備會氏被推爲常委兼總幹事一月八日上午十二時假華光日報社開緊急會議氏驅車赴會適警報作家人力阻不從甫抵社門中彈斃命

王寶珩

萬載人畢業於江西省特種教育師資訓練所任特種教育巡迴教導團組長一月六日隨團出

發向塘車站敵機至氏領導團員照常工作致遭炸斃年二十有八

李法早

九江人年三十三業農充國軍運輸班長時廬山孤軍給養缺乏敵僞監視綦嚴民仗裹足不前氏獨語人曰軍隊無糧何以殺賊卽毅然運糒上山行至半途遇害時二月十一日也

喻樹德

新建縣義渡鄉人年三十五業農二月二十日國軍新編第十師第二十九團三營反攻喻家渡七星堆之敵氏自告奮勇導我軍渡河挺進不意敵有備以機槍掃射中彈殞命

張鑑理

安義人年四十五業農本縣第二區實驗第十三保保長三月敵僞進擾萬埠隻身與之肉搏殉

焉

黃麗雅

臨川人畢業於上海西門婦孺醫院護士學校歸任江西省立南昌高級護士職業學校教員三月十七日敵機襲南昌氏正指導學生實習被炸殞命

萬志華

南昌人年五十四先畢業於江西師範後考取法官分發河南充任推事國難歸來息影家園三月二十七日國軍撤退敵四處焚殺氏義憤填膺集中全村壯丁手執刀矛晝夜巡邏四月五日晨敵二十餘人進擾萬村氏率衆肉搏斃敵二人午後一時敵圖報復集六十餘人環攻以機槍掃射氏等十餘人仍抵禦不屈因同時殉難

徐端祥

奉新縣第一區洪塘鄉人年四十一船伕四月間充國軍五十八軍第三營嚮導在真君殿地方被敵機槍擊斃

楊赦女

進賢縣第四區人年五十業農三月南昌淪陷我軍防禦撫河東岸縣府奉令徵集民工數百破壞梁家渡溫家圳一帶公路鐵道以阻止敵車氏亦被徵晝夜工作四月十五日敵在梁家渡西岸發砲轟擊中彈殞命同殉者十餘人

宋海俚

進賢縣第四區人年四十二農四一五與毀路鄉人同殉

何金仁

進賢縣第四區人年三十八農四一五與毀路鄉人同殉

姜癸水

進賢縣第四區人年三十四農四一五與毀路鄉人同殉

胡思喜

進賢縣第四區人年三十二農四一五與毀路鄉人同殉

譚詩春

進賢縣第四區人年三十農四一五與毀路鄉人同殉

楊福德

進賢縣第四區人年四十農四一五與毀路鄉人同殉

梅盛元